

J. Medina ?  
(19. X. 65)  
1  
GS/1413

Ad expositionem introductivam

Pag. 5 foliorum roneotypice reproductorum, inde a lin. 16,  
substituatur per textum sequentem:

Homo conscius fit ipsius esse recte dirigere vires quas ipse  
suscitavit et quae eum opprimere aut ei servire possunt. (Quae  
si ab eius imperio ~~dependere~~ videntur, eius tamen voluntati  
non perfecte oboediunt). Unde seipsum interrogat.

5 → De interrogantibus profundioribus hominis.  
9bis (Problema fundamentale). Revera<sup>in</sup> aequilibrium mundi moderni  
cum magis fundamentali inaequilibrio connectitur, quod in corde  
hominis, quamdiu vivit, situm habet. Ipse homo enim in seipso  
elementa invicem oppugnancia colligit. Utpote creatura, limitatus  
10 Creatoris sui participandam vocatur. Multis sollicitationibus  
attractus, indesinenter seligere et quibusdam re<sup>n</sup>untiare cogitur.  
Debilis ac peccator, saepe saepius facit quod non vult, et non  
facit quod facere vellet; unde in seipso divisus invenitur.

Wojtyla:  
simplificae.

15 → Sane plurimi homines, suae vitae conditionibus, a clara huius  
dramatis perceptione impediuntur vel avertuntur. Quidam a solo  
conatu humano veram ac totalem generis humani redemptionem  
expectant, sibique persuadent futurum regnum hominis super  
terram exsecuturum esse promissiones, quarum impletionem fides  
20 a solo Regno Dei sperat. Non pauci, de sensu vitae tribuendo  
desperantes, audaciam laudant eorum qui existentiam nulla  
significatione insignitam acceptant eamque pro lubitu suo ordinant.

christianorum  
• E aliena  
• Xtrana.

→ Attamen coram hodierna mundi evolutione, (praesertim coram  
crescente hominis imperio super naturam, vitam atque seipsum),  
25 numero quotidie crescunt qui quaestiones maxime fundamentales  
vel ponunt vel nova acuitate persentiunt: quid est homo? Quisnam  
est sensus doloris ac mali, quae etiam in summo progressu sub-  
sistunt? Ad quid victoriae illae, pretio tantorum conatum  
30 (laerymarum et sanguinis) acquisitae? Quid finaliter ex illis  
omnibus servabitur? *Quid homo societati afferre potest, quid ab ea expectare.*

| supr.

| ?

30 Coram diversis huiusmodi quaestionibus, quae omnes ad problema  
ipsius hominis referuntur, Ecclesia, libertatem et legitimam  
autonomiam hominis servans, eum ad responsum detegendum adiuvere  
intendit (Non omnibus humani ingenii quaestionibus concretam  
35 solutionem proponendam habet; quinimmo, quaestiones illae  
multiplicesque inventiones decursu saeculorum ab homine peractae  
→ ipsi occasionem praebere queunt ad propriam suam fidem penitus  
intelligendam). Cum omnibus ad communem utilitatem sincerum col-  
loquium inire desiderat.

- Firmiter credit*
- Scit autem Ecclesia Christum, (benignissimum) Dominum ac Magistrum suum, clavem, centrum et finem <sup>esse</sup> tum hominis tum totius humanae historiae. Firmiter credit solum Dominum, pro omnibus mortuum et resuscitatum, homini per Spiritum suum vires praebere posse, ut summae suae vocationi respondeat, hominemque, sive noverit sive non noverit Christum, non nisi per Illum salvari. Ab Eo, vero Deo et vero homine, exspectat Ecclesia Regnum iam praesens et tamen futurum, in quo Regnum Dei et regnum hominis ad unitatem pervenient.
- 5
- *Nativitas humanae sensus plene redintegratur.*
- 10 Ideo sub lumine Christi, imaginis Dei invisibilis et Primogeniti omnis creaturae, Concilium omnes alloquitur ad <sup>hanc</sup> fidem totius Ecclesiae testificandam.

Relatio de num. 9 bis.

Textus confectus est ad vota plurimorum Patrum implenda, de mandato Subcommissionis Centralis, a parvo coetu in quo i.a. Rev. Hauptmann et Ratzinger laboraverunt.

Intentio textus est:

ultra descriptionem sociologicam, etc. pervenire ad intimum cor hominis, in quo problema fundamentale ponitur. Homo enim, licet sit creatura limitata, ad vitam aeternam vocatur;

insuper indesinenter exponitur peccato, de quo hic magis descriptivo modo agitur, dum postea magis de eius profunditate theologica tractabitur (in P. I, Cap I);

denique Ecclesia seipsum ut respondentem praesentat, non ut pro omni problemate completam solutionem concretam praebet, sed ut, omnibus cooperantibus, ad solutionem perducatur;

quod fieri nequit nisi sub luce Christi.

Ita etiam transitus obtinetur ad expositionem doctrinalem Partis primae.